



ԱՅԼ ԵՒ ԱՅԼՔ

ՎԵՋ. ՀԱՅՐԱՊԵՏԸ ՏՓԻՒՍՈՒՄ

Անցեալ դեկտեմբերի 8-ին առաւօտեան 10 ժամին Տփխիս քաղաքը ըստ ունեցաւ ընդունել Ազգիս Վեհափառ Հայրապետին:

Նորին Սրբութիւն Տ. Տ. ՄԳՐՏԻՉ Ա. Կաթողիկոսին ընդունելու ընդառաջել էին Աղստաֆա կայարանը. Գանձակից՝ յաջորդ Տ. Բագրատ վարդապետը հոգեւորական դասի հետ եւ պատուաւոր քաղաքացիներով, Տփխիսից՝ Թեմիս ս. Առաջնորդ Տ. Գէորգ Արքեպիսկոպոսը իւր հետեւորդներով, Տփխիսի պատուաւոր քաղաքացիներից ոմանք եւ հանդիսիս հրատարակիչը. իսկ քաղաքիս երկաթուղու կայարանը ըացի պաշտօնական անձներից լցուել էր խուռն ըագմութիւն:

Նորին Սրբութեան ուղեկցում էին ս. Էջմիածնից. իւր Դիւանապետ Տ. Կորիւն վարդապետը, Կարսի յաջորդ Տ. Նիշէ եւ Ն. Բայազիտի գործակալ Տ. Մատթէոս վարդապետները:

Ընդունելութիւնը Վանքի աւագ եկեղեցու հրապարակի վերայ շատ փառաւոր էր եւ նորին Վեհափառութիւնը շուրջառ առած ու ամպհովանու տակ մտաւ տաճարը՝ զգեստատրուած ամբողջ հոգեւորական դասի հետ ու յայտնեց ժողովրդեան, թէ իւր պարտքերի կատարումն է քարշել իրան դէպի քաղաքս եւ խնդրեց

ամենքին աղօթել, որ Աստուած կեանք տայ իրան մինչև որ կկատարէ իւր վերայ դրած պարտականութիւնները:

«Լուսայ»-ի խմբագրութիւնը ծայնակցում է հայ ժողովրդեան ևւ մաղթում, որ Տէրը երկարէ նորին օծութեան ցանկալի կեանքի թելը այնքան, մինչև որ արժանի լինի ինքը իւր բերանով ասելու. «Ա՛րդ արձակեա՛ Տէր զճառայս քո...»:

ԹԻՓԼԻՍԻ ՀԱՅ ՔԱՀԱՆԱՆԵՐԻ ԱՊԱՀՈՎՈՒԹԵԱՆ ԳԱՆՁԱՐԱՆ

Գրեթէ ինն տարի առաջ Թիֆլիսում մի համակրելի գործի սկիզբն դրուեցաւ, որի նպատակն էր ապահովել նիւթապէս քահանաներին ու այլ եկեղեցական սպասաւորներին: Համակրելի ենք ասում, որովհետև հաւասարապէս ցաւ էր պատճառում թէ հոգևոր դասին և թէ ժողովրդին, որ քահանայք կամաւոր մուրացկանութեան դատապարտուած՝ հացի խնդրի պատճառով յաճախ թերանում էին իրանց իսկական պարտականութիւնները կատարելուց և իրանց ժամանակի մեծ մասը նուիրում էին միանգամայն իրանց կոչման հետ որևէ առընչութիւն չունեցող և կողմնակի պարապմունքներին:

Ընտրուեցաւ վարչութիւն, կանոնագիր մշակուեցաւ, աղբիւրներ հայթայթուեցան և ինն տարուայ ընթացքում գանձարանի դրամագլուխն աճելով՝ 18,000 ռուբլու մի նշանաւոր գումարի հասաւ, կիսով չափ բարեպաշտ անձանց նուէրներից և կիսով չափ գերեզմանատների և այլ արդիւնքներից:

Եւ մինչ մենք, ըստ ամենայնի համակրելով գանձարանի նպատակներին, սպասում էինք որ այդ արկղը